



ՀԱՍՏԱՏՈՒՄ ԵՄ՝
Շրջակա միջավայրի նախարար
Հակոբ Սիմիդյան

« 06 » 04 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0059 - 23

Ձեռնարկողը՝

«ԼԵՆՃԱՆՇԻՆ» ՍՊԸ

Շիրակի մարզ, Ախուրյան համ., Չարենցի 6/4

Գործունեությունը՝

Շիրակի մարզի անդեզիտաբազալիտների «Հացիկ-1»
տեղամասում 2023-2024թթ. ընթացքում կատարվելիք
երկրաբանական ուսումնասիրության աշխատանքների
շրջակա միջավայրի վրա ազդեցության նախնական
գնահատման հայտ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0059 - 23

<< 06 >> 04 2023թ.

**Շիրակի մարզի անդեզիտաբազալտների «Հացիկ-1» տեղամասում
2023-2024թթ. ընթացքում կատարվելիք երկրաբանական
ուսումնասիրության աշխատանքների շրջակա միջավայրի վրա
ազդեցության նախնական գնահատման հայտ**

Ներածական մաս.

Ձեռնարկող՝

«ԼԵՆՃԱՆՇԻՆ» ՍՊԸ

Փաստաթղթի տեսակը՝

Երկրաբանական ուսումնասիրության
նախնական գնահատման
հայտ (Գ կատեգորիա)

Գտնվելու վայրը՝

Շիրակի մարզ, Հացիկ բնակավայր

Նախնական գնահատման հայտով /այսուհետ՝ հայտ/ նախատեսվում է 2023-2024թթ. ընթացքում կատարել Շիրակի մարզի անդեզիտաբազալտների «Հացիկ-1» տեղամասում ընդերքի երկրաբանական ուսումնասիրության աշխատանքներ: Նախատեսվող երկրաբանական ուսումնասիրությունը կատարվելու է «ԼԵՆՃԱՆՇԻՆ» ՍՊԸ-ի ֆինանսական միջոցներով, պայմանագրային հիմունքներով:

Գործունեության իրականացման նպատակն է անդեզիտաբազալտներն ուսումնասիրել որպես բնական հումք «Խճի և կոպիճ խիտ լեռնային ապարներից շինարարական աշխատանքների համար» 8267-95 ԳՈՍՏ-ի տեխնիկական պահանջների համապատասխան: Պաշարների հաշվարկում կատարվելու է արդյունաբերական կարգերով:

«Շրջակա միջավայրի վրա ազդեցության գնահատման և փորձաքննության մասին» օրենքի 14-րդ հոդվածի 6-րդ մասի, 2-րդ կետի ա. ենթակետի համաձայն նախատեսվող գործունեությունը հանդիսանում է Գ կատեգորիայի գործունեության տեսակ:

Նկարագրական մաս. Համաձայն նախնական գնահատման հայտի անդեզիտաբազալտների «Հացիկ-1» տեղամասը գտնվում է Շիրակի մարզի, Ախուրյան համայնքի, Հացիկ բնակավայրի վարչական տարածքում՝ կազմում է մոտ 4 հա տարածք: Տեղամասի մոտակա բնակավայրերն են Հացիկ, Մայիսյան, Քեթի և Շիրակ գյուղերը, Գյումրի քաղաքը: Տեղամասի հեռավորությունը Գյումրի-Վանաձոր ավտոմայրուղուց գտնվում է մոտ 6կմ հեռավորության վրա: Տեղամասի բացարձակ բարձրությունը տատանվում է 1720մ-ից մինչև 1766մ:



Մոտակա ջրային ռեսուրսը՝ Շիրակի ջրանցքն է, որն անցնում է հայցվող տարածքից շուրջ 500մ հեռավորության վրա:

Տարածաշրջանով անցնում է Երևան-Թբիլիսի երկաթուղին, հայցվող տարածքից երկաթգիծը գտնվում է շուրջ 400մ հեռավորության վրա:

Շրջանի ջրային ցանցը թույլ է զարգացած: Բացի Ախուրյան գետից, որը հոսում է հանքավայրից մոտ 10կմ հեռավորության վրա, այլ գետեր չկան:

Շրջանի կլիման չոր է, բնութագրվում է մեղմ ամռանով և ցուրտ ու քամոտ ձմեռներով: Տեղումների տարեկան միջին քանակը կազմում է 500-600մմ: Տարեկան միջին ջերմաստիճանը $+4,8^{\circ}\text{C}$ -ից մինչև $7,8^{\circ}\text{C}$ աստիճան է:

Հայցվող տարածքի հողերի նպատակային նշանակությունը գյուղատնտեսական է, գործառնականը՝ արոտավայր:

Համաձայն հայտի շրջանի երկրաբանական կառուցվածքում մասնակցում են վերին կավճից մինչև չորրորդական հասկի հրաբխային, հրաբխանստվածքային և նորմալ ժամանակաշրջանների առաջացումները:

Ըստ հայտի երևակման տարածքում սողանքային երևույթներ չեն արձանագրվել: Մոտակա սողանքային մարմինները գտնվում են հանքավայրից մոտ 8.2կմ հյուսիս:

Երևակման շրջանում մեծ տարածում ունեն լեռնատափաստանային սևահողերը, անտառները գրեթե բացակայում են և տիրապետող են տարախոտա-հացազգի բույսերը: Կենդանական աշխարհը նույնպես ներկայացված է լեռնատափաստանային տեսակներով՝ աղվես, գայլ, նապաստակ, կզաքիս, զանազան կրծողներ ու թռչուններ և այլն:

Համաձայն հայտի երկրաբանական հետախուզման տարածքում բույսերի և կենդանիների կարմիր գրքերում գրանցված տեսակներ, բնության հատուկ պահպանվող տարածքներ, վտանգված էկոհամակարգեր, պատմամշակութային հուշարձաններ, անտառային տարածքներ չկան:

Համաձայն ARM WGS-84 համակարգի՝ հայցվող տարածքի /4 հա/ ծայրակետային կոորդինատներն են.

	X	Y
1	4525332,4	8403852,3
2	4525532,4	8403855,6
3	4525570,30	8404056,3
4	4525370,3	8404052,3

Համաձայն հայտի Հացիկի անդեզիտաբազալտների տեղամասում հետախուզման մեթոդիկայի ու միջոցների ընտրությունը կատարվել է հաշվի առնելով նրա երկրաբանական կառուցվածքի առանձնահատկությունները և տեղանքի ռելեֆի ձևը:

Ելնելով հետախուզման համար հատկացված տարածքի չափերից, տեղամասի հետախուզումն իրականացվելու է երկրաբանական երթուղիների, մեխանիկական սյունակային հորատանցքերի անցմամբ և նմուշարկման միջոցով: Հորատումն իրականացվելու է կարծր համաձուլվածքային և ալմաստե թագիկներով 112մմ և 93մմ տրամագծով:

Հայցվող տարածքում նախատեսվում է կատարել 1:1000 մասշտաբի տոպոգրաֆիական հանույթ 4,0հա ընդհանուր տարածքի վրա, բոլոր հետախուզական փորվածքների և բնական մերկացումների գործիքային տեղադրմամբ՝ տոպոհիմքի վրա: Փաստագրվելու է 80.0 հորատահանուկ:



Նախատեսվում է հորատել 4 հորատանցք յուրաքանչյուրը 20.0մ խորությամբ՝ ընդհանուրը 80զժմ:

Ապարների ֆիզիկոմեխանիկական հատկությունները որոշելու համար երկրաբանական փաստագրումից հետո հորոտհանուկները նմուշարկվելու են: Նմուշարկման միջակայքերի երկարությունը կազմելու է 10 մ (80 մ հորատման համար 8 նմուշ):

Օգտակար հանածոյի քիմիական կազմի և պետրոգրաֆիական ուսումնասիրության համար նախատեսվում է վերցնել հինգական նմուշ:

Հորատումը կատարվելու է ուղղաձիգ հորատանցքերով, որի համար ինչպես նաև լրացուցիչ սարքավորումների տեղադրման համար պահանջվելու է մոտ 4x8 մ հրապարակ: Հրապարակները հանդիսանալու են նաև շրջադարձի և բեռնաթափման տեղեր:

Մեկ հրապարակի համար կատարվելու է մոտ $4 \times 8 \times 1,0 = 32 \text{մ}^3$ հողային աշխատանքներ: Հորատման հրապարակների կառուցման համար կկատարվի 128մ^3 հողային աշխատանքներ: Հորատման աշխատանքների իրականացման համար տեղամասում նախատեսվում է կառուցել ճանապարհներ 850 խմ ծավալով: Ընդհանուր հողային աշխատանքները կկազմի 978 մ³:

Հողի վերին շերտի պահպանության նպատակով, ծրագրով նախատեսվում է հորատահարթակների կառուցման ժամանակ հանել հողի բերի շերտը, որը պահվելու է տեղում (այդ տեղերում արգելվելու է տեխնիկաների և մարդկանց շարժը), անմիջապես աշխատանքների (հորատում) ավարտից հետո՝ լանդշաֆտի վերականգնման նպատակով ծածկվելու է հողաշերտով: Բուսահողի պահեստավորում չի նախատեսում:

Համաձայն հայտի ռեկուլտիվացիայի է ենթակա միայն հորատհրապարակների տարածքը: Հորատման ընթացքում կառուցված ճանապարհները ռեկուլտիվացիայի չեն ենթարկվի, դրանք կօգտագործվեն հետագայում հանքավայրի շահագործման ընթացքում:

Աշխատանքների կատարման ժամկետները սահմանված են՝ 2023թ. 2-րդ եռամսյակից մինչև 2024թ. 4-րդ եռամսյակը:

Երկրաբանական ուսումնասիրության ընթացքում վերցված բոլոր նմուշների լաբորատոր հետազոտություններն իրականացվելու են «Անալիտիկ» ՓԲԸ-ի կենտրոնական լաբորատորիայում:

Խախտված տարածքների, որոնք ենթակա են վերականգնման, հողաբուսաշերտի ծավալները գնահատվում են՝ 128մ^3 , խախտված հողաբուսաշերտի վերականգնման աշխատանքների համար անհրաժեշտ ծախսը կկազմի՝ 384 000 ՀՀ դրամ:

Համաձայն հայտի ուսումնասիրության ընթացքում թափոններ չեն առաջանալու, քանի որ առաջացած հողային շերտը և մակաբացման ապարները կուտակվելու են անմիջապես փորվածքների հարևանությամբ, պահվելու են կարճ ժամկետով և աշխատանքների ավարտից անմիջապես հետո օգտագործվելու են խախտված տարածքների հարթեցման համար:

Գործունեության իրականացման ընթացքում բնառեսուրսներից օգտագործվելու է ջուր՝ խմելու և տեխնիկական նպատակներով, ջուրը կբերվի ջրօգտագործման պայմանագրերի համաձայն, մոտակա այն համայնքից, որն ունի տեխնիկական ջուր:

Համաձայն նախնական հայտի երկրաբանական ուսումնասիրության աշխատանքների հնարավոր բացասական ազդեցությունները կապված են լինելու օդային ավազանի, ջրային և հողային ռեսուրսների հնարավոր աղտոտման, բուսական և կենդանական աշխարհի, լանդշաֆտային ամբողջականության պահպանման հետ: Ուսումնասիրության ընթացքում ջրային ռեսուրսների աղտոտում տեղի չի ունենալու, քանի որ գրունտային ջրերը տեղադրված



են խորը հորիզոնների վրա և երկրաբանական ուսումնասիրության աշխատանքների տեխնոլոգիայով արտահոսքեր չեն լինելու: Դաշտային աշխատանքների կարճատև լինելու հանգամանքով պայմանավորված՝ մեխանիզմների շահագործումից առաջացած վնասակար ծխագազերի, հորատման ընթացքում առաջացող արտանետումները և աղմուկի մակարդակը չեն գերազանցելու նորմատիվային փաստաթղթերով ամրագրված սահմանային թույլատրելի նորմերը: Վտանգավոր թափոնների (մեխանիզմների յուղեր, քսայուղեր, մետաղաջարդոն, անվադողեր) կուտակումներ չեն առաջանալու: Բուսական և կենդանական աշխարհի վրա հնարավոր ազդեցությունները լինելու են աննշան, քանի որ հորատման հարթակների կառուցման և փորձնական հանույթի կատարման աշխատանքները կատարվելու են բուսական ծածկույթից զուրկ տարածքում, կենդանիների և թռչունների բնադրավայրերից հեռու:

Նախնական գնահատման հայտով նախատեսվում է օդային ավազանի, հողային և ջրային ռեսուրսների աղտոտումից, բուսական և կենդանական աշխարհի պահպանման, թափոնների կառավարման, աղմուկի մակարդակի, արտակարգ իրավիճակների ռիսկի նվազեցմանն ուղղված բնապահպանական միջոցառումների ծրագիր և մոնիթորինգ.

- փոշենստեցման նպատակով՝ ջրցան,
- օգտագործվող տրանսպորտային միջոցների վրա արտաթորվող թունավոր նյութերի չեզոքացուցիչ սարքերի տեղադրում,
- կեղտաջրերի հավաքում դաշտային հորատից զուգարանում,
- հողի բերրի շերտի, պահեստավորում, ծածկում (հողաշերտով), աշխատանքների ավարտից հետո օգտագործում՝ լանդշաֆտի վերականգնման նպատակով,
- անմիջապես աշխատանքների կատարման վայրում նյութերի (թափոնների) բաց այրման արգելում,
- յուղերի անվտանգ պահեստավորում և փոխադրում, վառելիքի մնացորդների հանձնում լիցենզավորված կազմակերպությանը,
- մթնոլորտային օդի աղտոտվածության պարբերաբար հսկողության սահմանում, արտանետումների որակական և քանակական պարամետրերի պարբերական չափումների կատարման միջոցով (շաբաթը մեկ անգամ),
- աշխատանքների ավարտից հետո խախտված տարածքների ռեկուլտիվացիայի իրականացում, հետ փռված ապարների փխրեցում, ինչը թույլ կտա ապահովել նոսր բուսականության արագ վերարտադրությունը և վերականգնել բնական լանդշաֆտային պայմանները,
- մեքենաների և սարքավորումների տեխնիկական վիճակի հսկում՝ տարեկան մեկ անգամ,
- արտակարգ իրավիճակներին համապատասխան պատրաստվածության ապահովում և այլն:

Շրջակա միջավայրի վրա ազդեցության աղտոտման կանխարգելման մոնիթորինգի համար նախատեսվում է 100000 ՀՀ դրամ:

Պատճառաբանական եզրահանգումներ. Նախատեսվող գործունեությունն իրականացվելու է տարածաշրջանում շինարարական նյութերի պահանջարկի բավարարման նպատակով: Երկրաբանահետախուզական աշխատանքների (դաշտային աշխատանքներ) կատարման ժամանակահատվածը լինելու է կարճատև և սեզոնային, ուստի ուսումնասիրության ընթացքում ազդեցությունները լինելու են ժամանակավոր և տեղային:



Փորձաքննության ընթացքում հայտը շրջակա միջավայրի նախարարության դիտողություններով ու առաջարկություններով լրամշակվել է: Օրենսդրությամբ սահմանված կարգով Շիրակի մարզի Ախուրյան համայնքի, Հացիկ բնակավայրի ղեկավարի նստավայրում իրականացվել են հանրային քննարկումներ, որոնց ընթացքում տեղական ինքնակառավարման մարմինը և հանրությունը հավանություն են տվել նախագծի իրականացմանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, արտակարգ իրավիճակների, առողջապահության, կրթության, գիտության, մշակույթի և սպորտի նախարարությունները, կադաստրի կոմիտեն:

Փորձաքննական պահանջներ

- Երկրաբանական ուսումնասիրության աշխատանքների ընթացքում պարբերաբար իրականացնել հողի, օդի, ջրերի, կենսաբազմազանության մոնիթորինգ, արդյունքները ներառել մոնիթորինգի պլաններում:

- Երկրաբանական ուսումնասիրության աշխատանքների իրականացման ընթացքում, անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում նախատեսել լրացուցիչ միջոցառումներ՝ ապահովելով բնապահպանական բոլոր նորմերը:

- Առաջնորդվելով ՀՀ կառավարության 2002 թվականի ապրիլի 20-ի N 438 որոշման պահանջով, գործունեության իրականացման ընթացքում պատմամշակութային արժեք ունեցող կամ հնագիտական շերտերի հայտնաբերման դեպքում, անհրաժեշտ է դադարեցնել աշխատանքերը՝ տեղյակ պահելով ոլորտը կարգավորող լիազոր մարմինին: Աշխատանքները վերսկսել լիազոր մարմնի թույլտվությունից հետո:

ԵԶՐԱՓԱԿԻՉ ՄԱՍ

«ԼԵՆՃԱՆՇԻՆ» ՍՊԸ-ի կողմից ներկայացված Շիրակի մարզի անդեգիտաբազալտների «Հացիկ-1» տեղամասում 2023-2024թթ. ընթացքում կատարվելիք երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
գլխավոր մասնագետ՝



Ա. Վարդանյան